

ՀԵՆՅԷ՛ից

ՋԱԽԱԴ ԲԱԼՈՒՂԵՍՆՅԻ

VI

„Jch will meine Seele tauchen
In dem Kelch der Lilie hinein...

Երբ կընկըղմեմ ես իմ Հոգին
Շուշան ծաղկի կոկոնում՝
Թող շուշանը սիրուս մասին
Մի երգ շընչէ ղողանջիւն:
Եւ թո՛ւ երգը թըլպըլտալով,
Ելնէ՛, ինչպէս այն պաշիկ,
Որ նս տըւեց, դողդողալով,
Ինչ մի գիշեր երջանիկ:

VII

„Es stehen unbeweglich
Die Sterne in der Höh'...

Ատողերն անշարժ փալլում են —
Երկնից մեխած բիւր դարեր,
Միմեանց տըխուր նայում են,
Ասես, սըգում իրանց սէր:
Նրանք խօսում են իրար հետ
Քաղցըր, հարուստ մի շեղուկ,

Որը ո՛չ մի լեզւադէտ
 Ձի ըմբռնի իւր խելքով:
 Բայց ես շատ շուտ կտրդացի
 Եւ երբէք մոռանում—
 Ես այդ լեզուն սովորեցի
 Շնորհիւ եարիս աչերուն:

VIII

„Warum sind denn die Rosen so blass,
 Warum sind denn im grünen Gras
 O sprich, mein Lieb, warum?
 Die blauen Veilchen so stumm“!

Ինչո՞ւ վարդը գունատէ այնքան,
 Ասա՛, իմ քաղցրիկ, ասա՛, սիրական,
 Ինչո՞ւ է համըր և անխօս ծաղկում
 Կապուտ մանուշակն կոնաչ դաշտերում:
 Ինչո՞ւ է փրչում Բալասան ծաղկից
 Այդպիսի մի հոտ, ասես, գիակից
 Եւ ո՞ւմ է այնքան թախճազին երգով
 Արտուտը կանչում, վերև ճախրելով:
 Ինչո՞ւ է դաժան, ցուրտ ու խըստազին
 Արեգի տըւած լոյսը մարդերին...
 Եւ ինչո՞ւ, ինչո՞ւ մըւալլէ այնքան
 Սմայի աշխարհն, ինչպէս գերեզման:
 Ինչո՞ւ ես ինքըս հիւանդ եմ, տըրտում,
 Ասա՛, դու իմ սէր, սըրտիս անձկալին—
 Ինչո՞ւ, օ, ինչո՞ւ յուսահատ օրում
 Թողեցիր դու ինձ, հեռացար, անգին:

Ես սիրելեմ վատ ընկերին:
 «Ձերթա՛ս և դու նոյն շաւղով:....»

Ասա՛ ինձ, ինչո՞ւ չար դարձայ այսպէս.
 Ինչո՞ւ մաշւեցու իմ մատաղ հոգիս.

Ինչո՞ւ աշխարհը ընկել է աչքէս.
 Տէր իմ, ախար, ինչ պատահեց սրբոհոս:
 Ինչո՞ւ անմեղ բառ, մի չընչին վարմունք
 Կասկած է այժմ իմ մէջը ծընում...
 Ո՞ր է այն սէրը, ո՞ր է սրփոփանք,
 Որ ըզգում էի մարդկանց շըրջանում:
 Այս ո՞րեմ փախչում, ո՞ր, անհաշտ հոգւով,
 Ե՛ւ ինձ, և՛ կեանքին անէծք կարդալով...
 Ինչո՞ւ այս ասողեր, ինչո՞ւ այս լուսին
 Վաղւա՛ն հրապոյրը ինձ համար չ'ունին:
 Ինչո՞ւ տղջրկայ հայեացքը մեղմիկ
 Զըզւանք է միայն իմ վերայ ազգում...
 Ինչո՞ւ այն դիւթիչ ժրպիտը քաղցրիկ
 Առաջւայ նման չի ոգևորում:
 Տէր իմ, չեմ եղած երբէք մարդատեաց...
 Սակայն ինչո՞ւ ես, ասես, ցընորւած
 Կ'ուղէի խեղդել ջոկ-ջոկ ամենքին,
 Որ հանգիստ առնէր հիասթափ հոգին...
 Անազնիւ ընկեր, ինչո՞ւ քեզ այնպէս
 Սիրում էի ես, անվերջ հաւատում...
 Ինչո՞ւ իմ սիրտը հանեցի կըրծքէս
 Եւ դըրի մի պիղծ Յուդայի սըրտում:
 Այն իգէ՛սլը—զըզւած ու շոյած
 Երկար և անքուն կէս-գիշերներին...
 Սիրած մի անուն, մըտքէ՛ր փայփայած...
 Այժմ փողոցում... մատնած ծաղրանքին...
 Կեղտէ՛լ, հայհոյէ՛լ այն սըրբատեղին,
 Ուր մենք ծընկաչոք կ'ողբայինք գետնին...
 Եւ ո՞վ... ընկերըդ—այն «ազնիւ ընկերն»—
 Նոյն իդէալի, նոյն մըտքի ընկերն...